



## ՆԱԽԱԳԾԻ ԱՄՓՈՓԱԳԻՐ



«Մենք ենք մեր սարերը» զարգացման գործակալությունը ոգևորությամբ աջակցում է [«Ծնվել եմ Արցախում»](#) կրթական նախաձեռնությանը, որի հեղինակն ու հիմնական իրականացնողը **«Արվեստ 23»** հասարակական կազմակերպությունն է: Մեր գործընկերության շրջանակներում «Մենք ենք մեր սարերը» զարգացման գործակալությունը կենտրոնացել է արցախցի տաղանդավոր երիտասարդ երաժիշտներին անհրաժեշտ երաժշտական գործիքներով (ջութակներ, թավջութակներ, կոնտրաբաս, կլարնետ, շեփոր, դաշնամուրներ) ապահովման վրա: **«Հովարդ Կարապյոզյան»** ԲԲԿ-ի աջակցությամբ գործակալությունը նաև ձեռք է բերել պլանշետներ երաժիշտների համար

### «Ծնվել եմ Արցախում» համապարփակ ծրագրի մասին

«Արվեստ 23» հասարակական կազմակերպության կողմից նախաձեռնված [«Ծնվել եմ Արցախում»](#) կրթական ծրագիրը համապարփակ հնգամյա նախագիծ է, որն ուղղված է Արցախից տաղանդավոր երիտասարդների լիարժեք երաժշտական կրթությանը:

### Ամբողջական ծրագիրը ներառում է.

- Մասնագիտական դասեր Հայաստանի լավագույն պրոֆեսորների հետ
- Այցելություններ Հայաստանի թանգարաններ
- Հրավիրատուներ Հայաստանի պետական սիմֆոնիկ նվագախմբի համերգների համար
- Վարպետության դասեր աշխարհի լավագույն արտիստների հետ
- Օտար լեզուների դասեր՝ ռուսերեն և անգլերեն
- Ֆինանսական աջակցություն՝ ուսման վարձավճարի կամ մասնագիտական այլ ծախսերի համար
- Երաժշտական գործիքի, համակարգչի (սոթբուք) և ինտերնետ կապի տրամադրում՝ անհրաժեշտության դեպքում



# ԱԶԱԿՑՈՒԹՅՈՒՆ ԱՐՑԱԽԻ ԵՐԻՏԱՍԱՐԴ ԵՐԱԺԻՇՏՆԵՐԻՆ

## ԻՆՉՊԵՍ ԿԱՐՈՂ ԵՔ ՕԳՆԵԼ

Եթե ցանկանում եք նպաստել Արցախի մշակութային ժառանգության պահպանմանը և աջակցել տաղանդավոր երիտասարդ երաժիշտներին, կարող եք.

- **Նվիրատվություն կատարել** «Մենք ենք մեր սարերը» զարգացման գործակալության միջոցով երաժշտական գործիքների ձեռքբերման կամ ծրագրին ամբողջական աջակցության համար
- **Նվիրաբերել երաժշտական գործիք** - եթե ունեք որակյալ երաժշտական գործիք, որը պատրաստ եք փոխանցել Արցախից երիտասարդ երաժշտին, մենք կկազմակերպենք դրա առաքումը և հանձնումը



## ԾՐԱԳՐԻՆ ՄԵՐ ՄԱՍՆԱԿՑՈՒԹՅԱՆ ԲՅՈՒՋԵՆ

15 երիտասարդ երաժիշտների համար երաժշտական գործիքների ձեռքբերում	13 000 ԱՄՆ դոլար
Ծրագրի մասնակիցներին հեռավար ուսուցման համար համակարգչային տեխնիկայով ապահովում	4 000 ԱՄՆ դոլար
Լոգիստիկ և առաքման աջակցություն	3 000 ԱՄՆ դոլար
<b>ԸՆԴԱՄԵՆԸ` 20 000 ԱՄՆ դոլար</b>	

## ՀԻՄՆԱԿԱՆ ՏԵՂԵԿՈՒԹՅՈՒՆՆԵՐ

Համագործակիցներ

«Արվեստ 23» հասարակական կազմակերպություն- ծրագրի հեղինակ և հիմնական իրականացնող

Հայաստանի պետական սիմֆոնիկ նվագախումբ Սերգեյ Սմբատյանի ղեկավարությամբ- մասնագիտական զարգացման ապահովում

## ԿԱՅՈՒՆՈՒԹՅՈՒՆ

Արցախը հարուստ էր ոչ միայն իր մշակութային ժառանգությամբ, այլև տաղանդավոր արվեստագետներով և ստեղծագործական ներուժով: Բռնի տեղահանման հետևանքով շատ երիտասարդ երաժիշտներ ստիպված են եղել թողնել իրենց գործիքները և ընդհատել ուսումը: Բազմաթիվ ընտանիքներ, հայտնվելով կյանքի դժվարին պայմաններում, ներկայումս ի վիճակի չեն վճարել իրենց երեխաների մասնագիտական կրթության համար Հայաստանում: Գործիքներով և տեխնիկայով մեր օգնությունը կարևոր առաջին քայլ է, որը թույլ կտա երիտասարդ երաժիշտներին շարունակել իրենց մասնագիտական զարգացումը: